

琴

譜

指

法

琴譜指法序

廣陵徐子晉臣精於琴

理其為人端謹曠遠有

古人之風來游湖上出

尊人五山老人所輯樂

譜指法索序於余。讀

之謂。然曰古樂之廢久矣。

唯樂尚傳於世。號為雅

音隨器雖傳而古法不  
盡傳自唐世即有秦鼓

楚聲蜀鼓之別七角經

瑟三才等之譏近代流

派龐雜殆有甚焉繁音

急節取悅似身甚且和

以人聲俚歌梵唄闡入其

中名爲雅而實流於鄭

譬諸儒者不儒其行而  
儒其服其得謂之儒矣  
乎風俗通曰琴者禁也  
所以禁人之心也而澹

謹以導邪其安取焉呈

古法之出忘久矣欲求復

古必崇雅音如審雅音必

先正譜如正譜必先講指

清君上兩為汲上也君自  
言題踪僧寮數加考詳  
審音辨調附以已意其  
若如此後指法之傳



一出於正溯流以窮源

幾元音希聲之妙可得

而復而返鄭為雅養性情

察政治感神人之道皆

格基之矣其有切於人心

風化豈小哉

聖天子在上正當功成作樂

時異日者考定樂律求

聖公序五

穆氣上原以復古樂之盛

其將以此譜為雅輪也

夫

皆

康熙歲次己卯仲冬

瀕里孔毓圻題

序

天地有元音而人得  
之以立名壽世者由  
其本然合乎自然而

不知其所以然蓋必  
有道焉非苟而已也  
譬夫瀑布潮頭溪喧  
谷响其本然者也松

金竹咲蕉羽荷衣應  
乎風雨合於自然者  
也要其聲之清濁高  
下疾徐抑揚則又不

知其所以然而惟琴  
則悉寫之是故凡樂  
有音而琴為聖凡音  
有淫而琴為雅人之



工於琴者則必沉潛  
於聖人之道考正於  
雅淫之歸而後夢寐  
羹牆莫非琴莫非天

地之元音：栩々於中  
而琴始工。雖然難言  
之矣。人稟陰陽剛柔  
以生。即莫不有喜怒。

哀樂苟戾於和則琴  
不工且非岱衡其性  
湖海其情則琴不工  
非浸淫於六籍調和

於五行四氣則琴不  
工求之近日若吾友  
徐子晉臣固工於琴  
而進乎道者也往晤

京華顧其貌如千巖  
崩律叩其胸如萬頃  
汪洋而挹其風致興  
味則尤曉月春雲蘭

幽菊靜盞養於道而  
化於琴者也今夫豐  
城之氣上射斗虛會  
有識者况琴之和性

情而通神明吾知其  
必有合也晉臣出其  
秘譜示余展玩余固  
非知音者然聆其一

彈再鼓滌靡俗而崇  
淳古酒々乎若孤鶴  
暖於淡烟淺渚間余  
又不禁爲之技癢竊



謂我非子期  
媿遇伯牙  
然而高山流水  
其元音自與  
天地同和也  
茲幸承乏南  
江廣

陵密邇泣事之餘數  
行相詔曰故人肯來  
遊乎扁舟抵白下握  
手道舊垂二十年所

而和風甘雨復親其  
色其視炯炯其語溫  
溫其氣息沉沉沕沕  
異哉晉臣固於道彌

養而琴彌化矣向非  
浸淫於六籍調攝於  
五行四氣俾喜怒哀  
樂適中乎陰陽剛柔

之節鮮有能幾此者  
余為請曰昔之秘譜  
君將箴諸名山乎抑  
亦傳之其人乎晉臣

曰唯：檢而授余余  
以志不可孤而學公  
於所好付之剗剗用  
光梨棗是天地之元

音流暢於晉臣心手  
之間者斯譜行而且  
流暢於天下人心手  
之間由是而立名壽

世晉臣不洵千古也  
哉是為序

時歲次戊戌六月之  
望廣寧年希堯題并



書於石城署齋

# 序

琴之制昉自羲農歷代以來  
侯王君公以至學士大夫皆  
晨夕所必御而上下千百載  
以善琴名者屈指僅數十餘  
家何哉誠以琴之爲道通神

明協造化衆樂之中其德最醇其品獨貴非有超邁絕俗之才瀟灑出塵之致雖日習焉不能詣其極擅名千古也徐君晉臣爲江左高士其來京師也王公大人爭折節與

之交聞其撫絃動操一彈再鼓遊情沕穆之先得意形骸之外冷然而興鏗然而止殆不啻襄曠復生而成連伯牙之再見也高山流水余想望者久之偶於一二好友家接

其丰采軒軒然如天半朱霞  
雲中白鶴絕無世俗塵坌習  
其胸次知徐君之德之品實  
與琴之醇且貴者相脗合故  
其精神之貫注意氣之流通  
足以上追古人而擅絕藝於

當時奚疑焉况夫中郎中散  
未聞昆季同稱而徐君則金  
昆玉友並造精微家學淵源  
講求更異學者試按譜而求  
其音審音而得其趣緣趣以  
通其理則徐君之精神意氣

必有躍然於不傳之外者豈  
僅以吟猱綽注撞逗退復見  
長於鳴絃拂軫間哉

東海弟許汝霖拜草

# 序

三代而後樂器之異于古者  
多矣以方響爲金石以箏笛  
爲絲竹笙匏也攢之以斗塤  
土也變而爲甌柷敔木也貫  
之以板惟琴之爲器其制無



異于古如靈光巋然獨存焉  
然器則猶是也而古調之失  
則已久矣今人覩鍾王之書  
點畫粲然不得其運腕之法  
雖心慕手追其相去何啻萬  
里琴之有絃猶字之有點畫

也其用指則運腕之法也大  
絃濁以溫小絃廉以清宮如  
牛鳴窈角如雞登木之類世  
之所共知也一彈再鼓而宮  
商不應則指法之失耳徐子  
晉臣好古君子也家于竹西

鼓吹之間而以淫哇聒耳爲  
不足聽獨於琴理盡心焉每  
聞江湖鏗鎔之聲古調獨彈  
會心不遠成連海上之遊不  
是過矣晉臣旣以琴名不忘  
紹承所自因輯其尊人五山

老人所著琴譜指法一編以  
公諸世而屬余同官特公問  
序于余余惟琴爲雅音淳古  
淡泊非他樂可比其指法亦  
與他樂異昔歐陽公問蘇子  
瞻以琴詩何者最佳蘇以昌

黎聽穎師琴詩答之公曰此  
固奇麗然自是聽琵琶耳夫  
以昌黎之知音而歐公猶以  
爲憾琴之難知也如此指法  
旣得雅音可求從前箏笛之  
耳爲之一洗孰謂廣陵散不

猶在人世也耶

主上

聖學天縱萬幾之暇揮絃解  
慍翽鳳來儀黜鄭崇雅正在  
今日晉臣以精思妙悟和其  
聲以鳴

國家之盛琴譜一編豈獨爲高

人韻士所欣賞卽以備

甲帳之觀覽可也時

康熙辛巳夏四月崑山徐秉

義書

序

蓋聞五音六律咸能和陰陽正  
人心齊萬物要在人心之向背  
不同耳夫人心正則趨之於大雅  
人心不正則流之於邪辟夫琴瑟樂也



聖人以之太古之音節湊徐疾合  
乎陰陽之道和順被美令人神靜  
意遠恬思無窮爭髡而樂也悲  
歌慷慨激烈髮指令人心如湯志勃  
驕矜放佚凡耽於音律非人心之向

背者在是乎五狼徐君晉臣清奇  
博雅潛心琴學二十餘年雖風雨勿  
掇尊公之勲先生名家也海內言琴  
者咸師之不日臣固其家學雖年少所  
志有不同焉明先王之道盡先王之

化試觀向背之間足徵其品矣

時

康熙戊辰冬仲十日并書於廣陵興

教寺寓齋

京口弟何金驤

序

子物之體必藉語之文字以發  
明惟夢不然夢有調而無辭  
也以辭求在些小操耳然夢  
遂無法可傳乎按之以指取之以  
音會之以多三在脩而法未始不傳

也乃古之精於夢者如師闢以東方  
所方之夢而知室之朝夕李龜年  
以沈妍薛媛之前後而擬夢之  
素持之而今人無之別法之不傳也久  
矣就是指也而按之只離合舌就  
是音也而取之有過不及舌就是

乞也而會之有或至或不至焉湊  
拍不岐謬能錯雜持亦授之日  
遠而日失其真誰為審之又維  
為正之無惑乎彈在徒自得而聽  
在是之解也晉王年少英多家庭  
自為師友自二勲先生以及贊王兄

東坡按在飛了體騷在飛一端  
原在昔賢修系時等心於按  
摩於弄磨山以忘飢渴挾其精  
輯成一編詢以功於作在余認其  
必傳在艷爰占諸名家即証再  
而付之梓知必以深道其妙在

一唱而三嘆云周王十山卷國祿頓  
首叔撰



自敘

先君二勲公性嗜山水喜讀書雅善鼓琴余垂  
髫時追隨几杖家塾課讀之餘卽留心操縵旣  
長舉琴中微指畢授焉厥後馳驅四方凡遇名  
山勝境花晨月夕或良朋密友促膝一堂或篝  
火夜窗客邸幽靜咸寄於七絃以抒吾情然此  
特自樂之事不求人知者也丁酉秋晉謁

方伯年公賦性恬淡深嗜古樂之趣獨造其微  
索予譜曲一帙并指法欲付剗剗嗟乎予非伯  
牙而公實鍾期也但聲音之道原於性情予  
雖白樂而適遇知音則先君之傳庶賴以不泯  
矣世之同調者當亦諒予之心也矣

廣陵徐禕晉臣父識

晉臣指法探微洩奧極古人所未盡余旣服其沈志又深愛其苦心欲公諸當世而不忍藏之名山也緣鐫琴譜因而附載俾操縵家習之於手契之於心咸歸正雅當知余非阿好而永傳其所未傳云希堯并題

右手指法

按古譜指法究解甚簡較訂未全壬寅初春避跡北山僧舍嚴加考詳審音辨調附以已意

撰成斯帙同志者當靜而玩之庶幾有津可達而古人之跡可追知我罪我其在茲乎

凡用指之例向徽曰外曰出向身者曰內曰入

尸

大指向外出絃曰擘總云大指出絃究

不知何如下指何如出聲今用細註則學者易知用大指豎起靠絃而出不輕不重與諸指彈聲無異蓋因六與一應七與二應相隔

已遠必用大指取其便勾一二兩絃也

毛托

大指向內入絃曰托宜用力入絃勢欲不覺如前之擘聲庶幾可聽

木抹

食指向內入絃曰抹抹宜正出不可斜埽下指宜重不可太重當在一二徽間出聲始得清跪若下四五徽而彈則左指之音不出而右指之聲太柔軟矣

挑

食指向外出絃曰挑用挑之訣其名曰

懸指取其下指從空懸落于絃上也挑絃宜在食指指甲尖而出音亦在二徽內外庶幾下指文雅出聲清亮若傍絃挨撫則手法失勢音聲瓦釜矣

勾 中指內入絃曰勾勾用甲肉相半今人皆不能用宜重下指而輕出絃在一徽內外出之自然清響而和平矣

乃 剔

中指向外出絃曰剔下指不可太剛太

剛則暴指入絃不可太深太深則音濁不知者皆以指着絃而出過處前音妙于何取用甲尖正正剔出前音隱隱不絕始稱妙訣

寫勾剔

一絃兩彈必用一勾一剔彈者宜玩

連寫字意

丁打

名指向內入絃曰打此專用在一二絃

散聲者亦以和平下指與勾聲無異名指之打卽中指勾絃別名也

五 摘

名指向外出絃曰摘或連摘二絃或連  
摘四絃緩急隨譜中用法以名指曲其下節  
直其上節一路摘去爲佳

厂 歷

食指向外連挑兩絃取輕疾之聲古譜

嘗寫

厂度

字卽歷也又有用急歷者譜註此

厂字

早 撮

挑勾並下兩絃同聲或勾與擘同聲名

曰撮或一按一散或俱按俱散隨譜用之兩



指齊會而入絃兩絃相約而同聲勿令參差  
亦不可太響以近喧鬧但將兩聲隱隱和同  
至勻至實則清雅可聽

羣

反撮

撮用勾挑者反之則抹與剔也用擘

勾反之則托與剔也用指之法與正撮同

羣

指撮三聲

左大指爪起

此音註左  
手指法內

曰指兩

指同下曰撮合而用之名曰指撮假如名指  
按七絃十徽大指于九徽間一指右卽一撮

左大指又二指

二指者一指連二指也

右又一撮總名曰

指撮三聲計之則得三指二撮也與上註撮

聲合之則爲指撮三聲也

叠指

一絃兩聲而用抹勾先抹後勾取其

急速之聲遲則爲抹勾便非叠指也若常用

抹勾則譜註此勾字

滾

名指摘絃自六而連至一或從按處而

起則不拘定七絃按滾字之義取其聲之急

連前重後輕一氣摘去名指練就堅勁衆響  
均和方得其趣

弗

拂

食指抹絃自一而連至七或從按處而  
止亦不拘定七絃用指勿重致聲暴響輕輕  
拂來連而勿斷則離離可聽矣

聲

潑刺

三指並下入絃曰潑三指並上出絃  
曰刺狀可分可合有單潑止用潑單刺止用  
刺宜用食中名三指相靠屈曲其節名指稍

出於中指中指稍出於食指以作斜勢一齊入絃輕輕一拂曰潑又令三指屈曲其節食指稍出於中指中指稍出於名指亦作斜勢一齊出絃重重一掃曰刺其手往來之勢名曰遊魚擺尾其式雋雅可觀其聲清健可聽重則煞起輕則柔軟落指勻和而無煞聲則嘉矣

摘潑刺

用名指連摘兩絃隨就兩絃而一

潑刺也

聲

指潑刺三聲

亦結聲也卽如前之搯撮三

聲彈法左一搯而右一潑左二搯右一刺也

伏

卽伏字

刺無聲也專用在一二兩絃三指

刺出如刀之截得其清脆方妙

打圓

打圓

照上兩聲一挑一勾或一擘一勾少

息卽急作二次

少息者謂下指少停而再彈也音註後

連得四

聲又應下之一聲以完蓋打圓之妙全在急

作內四聲之趣彈欲有力聲欲清分無一毫  
阻碍爲貴若挑重勾輕聲不清分焉能得圓  
字之義

圓婁

專用于泛音間兩絃而勾抹同聲欲

其齊下勿爲偏重

挑背鎖

同絃上用剔抹挑連彈三聲是也

叁短鎖

同絃上先抹一聲次勾一聲少息加

前之背鎖共得五聲是也

長鎖

同絃上先用抹挑二聲少息加前之

短鎖共得七聲是也

合

輪

用名中食三指同屈向外出絃急得三

聲法以名指稍前中指又稍前食指居後三

指夾緊摘剔挑次第而去如有力有勢方妙

拈

半輪

用名中二指次第發摘剔二聲詳見

上用

全

全扶

泛音用潑日全扶用食中名三指各

琴譜指法 一  
入一絃如實音用潑之意蓋全扶之與潑本無二理而異其名者分實音與泛音也

支鼓

剔挑同絃二聲以大指捏中食二指先

中後食逐聲擊出要一按一散取兩絃如一之聲又名雙彈譜註此彈字或註豁字卽鼓也

左

如一

一按一散剔而同聲假如左按七絃

七徽六分右剔一聲與散六絃同聲是也取



兩絃之聲合而爲一故曰如一

零

索鈴

如滾之式左按七則挑七按六則挑六次第往前一路急挑去或自七徽而斜至九徽者或自九徽而斜至七徽者如鈴索之聲磊磊落落無參差之疾而得勻和之妙者爲美

笠口乍

從頭再作

從首句再彈一遍曰從頭

再作或從第幾句起或從第幾字起欲再彈

一遍卽將字傍用筆一勾則曰從勾再作譜

註此 从丁百乍

廿散 左不按而彈曰散

至輕 欲其下指輕清庶無暴響

多急 欲其下指迫切必註急字

琴譜右手指法終

琴譜指法下卷

左手指法

按古譜按令入木者欲用力按絃不使失於輕  
浮耳按若輕浮吟猱飄忽綽注誑誕則一曲  
之音不連矣得於徽之上下分數務須按準  
而吟猱收轉最宜恰當惟其用力不覺動指  
自然手法合勢音聲大雅矣

十吟

吟者按絃以取音在指所按之位往來

搖動上下不出寸許先大後小約四五收轉  
卽歸本位而止少則缺多則繁得其恰好而  
能應上接下不絕如縷乃得其趣

爹

落指吟

得音就吟欲其接應急促庶音韻

不散故落指卽吟也

紆

細吟

細吟者動指緊細絃與指合一處得

其幽韻者佳

迂

遊吟

指乘綽上聲就退下復綽上又退下

約二次取一音在絃有如雙撞而放緩似遊蕩之意他譜或書蕩吟譜註此汴字卽迂也

爭

急吟

動指緊促而疾

參

緩吟

動指柔慢而寬

爰爭

緩急吟

一絃兩彈而俱用吟者則分先

緩後急

琴

雙吟

一絃兩彈俱用中和之音而吟者名

曰雙吟

飛吟

飛吟

飛吟有一上二下有二上二下假如

按在四絃九徽一上七六卽下九徽又下十  
徽爲一上二下也又如按在四絃九徽一上  
七六又上七復下七六又下九徽爲二上二  
下也舊譜惟註飛吟二字更不知其上某徽  
下某徽令人難解凡用飛吟處當以徽數爲  
出庶便于彈

彳 猱

用猱之法先避甲之煞聲指下往來搖

動較吟畧爲寬緩庶幾取音蒼老然以恰好爲度吟取韻致係取古勁各有所宜必要練就指頭按若入木自然出蒼古之音矣

各才

落指係

得音就係欲其應上接下之意

故落指係也

爰才

緩係

動指寬大而出音慢

多才

急係

動指寬大而出音急烈

立才

撞係

撞後帶係也

小注 綽注

指自下而上按絃曰綽自上而下

按絃曰注徽有陰陽絃有順逆非綽注則音不能和又有用綽注稍過于徽而音始和者所爭祇在幾微知此寧慮音之不和乎

立撞

按絃得聲用指急綽寸許之上疾歸本位取出一聲曰撞其速如電以成一聲遲則爲一上一下非撞也

急撞

彈與撞並下合爲一音遲則爲前



之單撞非急撞也

登

雙撞

連撞二聲也最易近俗指頭活動爲

貴

虎立

虛撞

得聲而指或上上徽或退下徽已

不用彈而加一撞者名曰虛撞

史

使

左手用逗右手不彈曰使假如按七絃

九徽卽上七六吟吟將完急向上一撞直下  
九徽是也用使要重用逗欲輕故使者取其

用力使指之義也

豆逗

借以上之聲迎而注下以作本位之聲

曰逗假如按九徽得聲欲用逗則指從八徽迎聲而速注下九徽以成一聲也蓋逗最易濁迎重則俗迎輕則清若多用則繁雜不用則失調必用於恰當之處則不厭耳有彈江操漸操者往往濫用深爲俗惡

色

掐起

大指爪起接名指所按之聲曰掐起

舊譜註掐起與對起不同又云有彈而起曰對無彈而起曰掐假如大指于八徽彈而得聲卽下九徽或吟或不吟已不用彈名指隨按下十徽大指卽瓜起一聲曰掐起又如大指按九徽用彈一聲而名指隨按下十徽大指卽瓜起一聲曰對起殊不知兩云俱係掐也對起之義從何取焉今吾譜俱用掐起庶學者不惑

豈對起

譜中凡遇此者皆作掐起彈法

危爪起

大指按絃將指甲掐起得一散聲曰

爪起

也帶起

名指按絃將指頭放起得一散聲曰

帶起

是退復

按彈直退下曰退隨復本位曰復退

半徽復上本位曰小退復從十徽退至徽外

復上本位曰大退復一徽則曰退復又有退

于徽之分數而音方和者必寫出退幾分復如是則明矣

閃 罨

名指按絃如在十徽而大指磕下九徽

有聲曰罨或散彈而名指磕下亦曰罨

膚 虛罨

不按不彈或彈後有上下吟猱而後

用罨者曰虛罨

拾 放合

專言名指也按前絃放起有聲曰放

彈絃後合前聲曰合假如名指按六絃七徽

九分用帶起合七絃七徽六分一聲是也

啓應令

按彈後而指或上上徽或下下徽有

音以應次絃之聲曰應次絃合前絃之音曰合假如名指按四絃十徽已彈得聲卽上九徽與次彈散七應合同聲是也

啓瓜合

大指按彈前絃後名指按彈次絃隨

指起同聲曰瓜合假如按彈七絃九徽已彈過候名指于九徽按彈四絃卽大指瓜起與

四絃同聲相應也

同聲

按彈之曰瓜合散彈之曰同聲假如

大指按七絃九徽用瓜起合散勾四絃一聲

曰同聲

同起

假如大指按七絃九徽後彈四絃散

聲隨將指提起不用瓜者曰同起取其隱然

相應之聲耳

徠往來

假如按九徽卽下十又急上九又急

下十謂之往來雖曰往來實係往來往撫者  
當慎之欲其手活音輕爲妙

喚

右彈左或名或大落指得音就一上卽

下本位曰喚乘下音而上又接上音而疾下  
也必要一氣如慢則係一上一下非喚也

午

漸

彈聲後將指直上一徽以過別絃取其

直而疾以接下之聲也

拙

推出

中指按絃推出絃外有聲指下文雅



不覺方佳惟一絃用之別絃則用帶起耳

足跪

跪指也名指屈曲兩節按絃以徽間短

而用之若連跪兩絃則用一甲一肉凡指過絃處須要音韻相連

分分開

一絃兩彈而用分開彈之以一彈而

指卽上一徽或一徽幾分次一聲卽歸本位而彈所云一徽與分數對準而音方叶若稍差分釐則不和矣

色泛起

凡曲中有泛音者卽上註泛起二字

用泛之法要靠近岳山用力使指左如蜻蜓點水之輕右如斷絃之重庶得清脆之音

正泛止

曲內泛音完則註泛止二字

省少息

候音少停而再彈之者前聲餘韻未

絕耳

入慢

曲內有放慢而彈者則譜上註入慢

二字

尤

就

有照上文按彈徽數或照上文散彈俱

寫就字又或有小註用就字者乃取速之謂

也

初

不動

恐其彈後指動反致不和故訂之以

不動

虞

虛按

用指浮着絃上以遏其聲使之不響

小

外

十三徽外離徽三四分而彈也

大

即大字

大指也

人食 食指也

中 卽中字 中指也

父 名 無名指也

真 換 換指而彈也 佶 微 弓 引

加 卽加字 趺 緊 广 應 品 慢 欠 次

山 徽 云 至 旨 指 玄 絃 畏 畧 更 硬

琴譜左手指法終

指法紀畧

右手彈欲斷絃以却輕浮又欲用而得中以化麓暴彈近岳山則過剛下四徽則過柔故聲有高朗雄壯則欲剛輕揚淡蕩則欲柔融和溫雅則欲中和或有過四五徽而彈者此琴之所大禁也惟泛音則欲近岳山彈之左如蜻蜓點水之輕右如斷絃之重其聲方得清亮此泛音之要語也大抵指頭不可離絃

離絃則失手勢如挑七指靠于六勾四指靠于五則手勢雅而音聲實矣

左手按如入木以求堅實必須用力不覺使指法文雅然後取音蓋音難概論有甲音有肉音有甲肉相半音甲音惟於大指甲上取用于二三四徽之間若用肉音則音不清矣肉音于大指節上取用于吟猱及走音則無煞聲甲肉相半音于甲指之傍取以半甲取

其清半肉取其潤清潤相兼而音始妙至吟  
猱及走音要避甲取肉則多溫潤之音而名  
指純肉惟取堅實而不浮則爲妙用撫者當  
細審之

琴有五德

入坐端方

視聽專一

心思閑靜

神氣肅王

動指自然

下指五要

指法合勢

取音幽雅

吟猱恰好

挑剔順向

下指堅實

指法五忌

一忌右手大食二指捏緊彈絃滯而多俗法以  
大指甲尖抵于食指頭肉之中而二指同屈  
每用挑則大指直其節而送食指出絃收進  
則又俱屈乃得清勁靈活也

一忌左大指按絃將食指作圈甚爲醜陋舊譜



俗有龍睛鳳眼之說不過習其手勢若用意做出似乎醜俗

一忌名指按絃將中指並而幫貼有失手勢甚爲難觀

一忌四指相並伏于絃上不特手不合勢音亦沾滯

一忌大指甲煞聲而不知避法以甲稍轉讓肉取音爲妙

琴譜指法卷之二  
三  
撫琴五忌

一忌起手無序神氣不斂忙忙連下如奔如蹶  
無一毫真酌之音更無意趣可見亦無大雅  
足觀惟鬧鬧熱熱以終其曲乃于何處得領  
會其中之妙

一忌好習繁聲多添雜響盈耳皆瑣碎卑鄙之  
聲專襲俗人女子之娛耳而擅稱撫琴之神  
妙殊不知極爲識者鄙也

一忌不知輕重疾徐之理而忽重則煞甚忽輕則無聲欲疾而羣絃俱亂欲徐而節奏茫然又有學慢無法蓋慢有法有候故能欵欵曲曲令人會心雖曰慢調其中自有緩急相間以成結構若無法者惟知其慢而意味索然何堪入耳

一忌不論徽間分數率意上下走音俱不得叶和自始至終曲雖完而不成調皆古譜訂著

爲後人改亂訛舛當細審之

一忌擅改曲操以示其學問或有幾字而改之者或有幾句而改之者或將他譜一二段而移入者或有將古曲名而另改新名者欲使五音叶音律和難矣哉古人作曲作操其中自有義理而今之撫者不過習其音聲妄矜臆見此大忌也

指法終畧終

指法跋

吾友徐子晉臣遊廣陵囊有古琴每風月清朗  
良朋暢敘不惜一彈再鼓師其技者教之無倦  
色手錄指法一帙公諸海內則得自家學也嗟  
乎新聲熾而雅音亡固已今人妄附風流自謂  
知音及爲鼓雅操則頽然欲臥是殆魏文侯之  
聽古樂也而好事者曲爲靡靡之音淫辭雜調  
無所不彈娛彼心志悅彼耳目以售其技琴至

今日尚可問哉尚可問哉徐子之指法洵可挽  
同元音津梁後學至其輕重疾徐節奏之妙知  
音共賞余何容贅吾甚慮世人以時俗之耳聽  
徐子之琴因以時俗之見窺徐子徐子之琴信  
善矣徐子僅琴師也乎哉

年家眷弟薛璉拜題